



T.2720.2/2915(1)

1

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17						
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/39/33	40/9/43	42/57/29	82/4/79	51/50/13	50/28/29	38/14/16	66/16/18	50/-5/-22	43/-14/21	55/-9/-25	71/-32/0	62/34/60	52/48/17	31/21/-21	72/-23/57	73/19/68





明紀輯畧序

古人著書立說自成一家言至于國

史則公天下之是非必俟久而論定

故一代興則纂脩前代之史自司馬

氏作通鑑紫陽氏作綱目一部十七

史羅列視席間惟明季二百七十餘

年其間政治得失人品邪正時或見
于他說但其擇之不精語之不詳使
考古之士不能無一代闕畧之憾余
友青巖朱君先世與婺源全派其尊
人凝齋公講學東山發明紫陽之旨
家學淵源有自來矣青巖守南陽首

葺書院延師教郡人子弟從遊者數
百人爲選刻古今人文字遍給諸生
復手定綱鑑緝畧一書追踪綱目芟
繁就簡學者稱便又慮明季以來事
多湮沒愛廣搜文獻記載詳核顏曰
明紀全載附諸篇末問序于余余再

四披閱其擇之也精其語之也詳舉
二百七十年之政治人品瞭然在目
直足以繼十七史之遺夫名杜守南
陽能興水利農政後惟杜征南修其
業然未聞名杜能芟訂古人之史復
能自出論定纂修一代之史使郡人
家絃而戶誦也青巖不獨良吏才且
良史才矣是爲序

康熙三十五年歲次丙子春正月
經筵日講官禮部尚書兼管翰林院
詹事府事桐城張英題

新鐫朱青巖擬編明紀輯畧目次

明紀

卷之一

明紀太祖

卷之二

明紀太祖

卷之三

明紀建文帝

卷之四

明紀成祖仁宗宣宗

卷之五

明紀英宗景帝

卷之六

明紀憲宗孝宗

卷之七

明紀武宗世宗

卷之八

明紀世宗穆宗

卷之九

明紀神宗

卷之十 明紀神宗

卷之十一 明紀神宗

卷之十二 明紀神宗光宗

卷之十三 明紀熹宗

卷之十四 明紀熹宗莊烈帝

卷之十五 明紀莊烈帝

卷之十六 明紀三王

明紀輯畧目次終

明紀 始太祖戊申終莊烈帝甲申
十六主合二百七十七年

太祖高皇帝 姓朱氏名元璋戊申洪武元
年至戊寅在位三十一年

建文帝 懿文太子之子名允炆巳卯建文元年
至壬午靖難兵入京帝出亡在位四年

成祖文皇帝 太祖第四子名棣初封燕王癸未
永樂元年至甲辰在位二十二年

仁宗昭皇帝 成祖太子名高熾
乙巳洪熙元年

宣宗章皇帝 仁宗太子名瞻基丙午宣
德元年至乙卯在位十年

英宗睿皇帝 宣宗太子名祁鎮丙辰正統元年至巳巳陷於土木
丁丑天順元年復辟至甲申改元二在位二十二年

景皇帝 宣宗第二子名祁鈺庚午景
泰元年至丙子在位七年

憲祖純皇帝 英宗太子名見深乙酉成化
元年至丁未在位二十三年

孝宗敬皇帝 憲宗太子名祐楹戊申弘治
元年至乙丑在位十八年

武宗毅皇帝 孝宗太子名厚照丙寅正德
元年至辛巳在位十六年

世宗肅皇帝 孝宗弟興獻王之子名厚熜武宗無嗣入繼大統壬午嘉靖元年至丙寅在位四十五年

穆宗莊皇帝 世宗第三子名載坫丁卯隆慶元年至壬申在位六年

神宗顯皇帝 穆宗太子名翊鈞癸酉萬曆元年至庚申在位四十八年

光宗貞皇帝 神宗太子名常洛萬曆四十八年八月朔即位在一月

熹宗哲皇帝 光宗長子名由校辛酉天啓元年至丁卯在位七年

莊烈帝 光宗第二子名由檢戊辰崇禎元年至甲申李賊犯闕帝崩在位十七年

附三王

福王 神宗孫名由崧立於南京乙酉弘光元年被執北去

唐王 太祖九世孫名聿鍵立於福州乙酉七月年丙戌八月亡

桂王 神宗孫名由榔立於肇慶丁亥至己亥逃入南荒後遇害

明紀輯畧目次終

重鐫朱青巖先生擬編明紀輯畧卷

哈佛大學哈佛燕京圖書館藏

明紀 太祖以元至正十一年起兵漢稱吳王二十八年戊申正月即帝位建國號

日明都應天府後成祖都順天府遂以順天為北京應天為南京

太祖高皇帝 諱元璋字國瑞姓朱氏濠州鍾離人。在位三十一年。壽七十一。葬孝

陵

戊申洪武元年春正月壬申朔四日乙亥太祖祭告

天地即皇帝位於郊壇定有天下之號曰明建元洪

武遂誼太廟追尊四代祖考妣皆為帝后德祖玄皇

帝懿祖恒皇帝熙祖裕皇帝仁祖淳皇帝京師自舊臘雨雪陰

晦及祭告即位天霽霧靄○初李善長徐達等以上

獨露中星蓋天開景運云

功德日隆。屢表勸進不允。乃率諸臣奉上卽吳王位。建百司官屬。以李善長爲右相國。徐達爲左相國。常遇春俞通海爲平章政事。汪廣洋爲右司郎中。張昶爲左司都事。諭善長等曰。卿等爲生民計。推戴予。然建國之初。當先正綱紀。元氏昏亂。主荒臣專。威福下移。由是法度不行。人心渙散。遂致天下騷動。今將相大臣當鑒其失。宜協心爲治。以成功業。毋苟且因循取充位而已也。於是立宗廟社稷。建宮闕。有司以宮室圖進。上見其有雕琢奇麗者。皆命去之。旣而新殿成制。皆樸素。命博士熊鼎類編古人行事。可爲鑒戒。

者。書於殿壁。又命侍臣書大學衍義於兩廡壁間。曰前代宮室多書繪畫。今書此以備朝夕省覽。豈不愈於丹青乎。太廟成。尋勅協律郎冷謙考正宗廟雅樂音律。及鐘磬等器。并定樂舞之制。至是相國李善長率文武羣臣奉表勸進。上曰。吾始卽王位。不能拒。勉從衆言。今卿等復勸卽帝位。恐德薄不足以當尊善長等頓首復請曰。天生聖哲。本以爲民。殿下之卽王位。天命已有歸矣。今又三四年。若不正大位。何以慰天下臣民之望。上固卻之。明日善長等復請曰。殿下謙讓之德著於四方。感於神明。願爲生民計。早徇羣

臣之請。上曰。中原未平。軍旅未息。吾意天下大定。然後議此。而卿等屢請不已。如此大事。當斟酌禮儀。而行不可草草。越數日。善長率禮官以卽位禮儀進。上允之。

璘按世稱三代以下。惟漢得天下爲正。蓋除秦討項。名義最當。明太祖起兵濠梁。廓清宇宙。直駕唐軼宋而匹漢矣。其開國規模。亦絕類漢高。而制度更爲詳備。卒享國二百七十餘年者。良有以也。

立妃馬氏爲皇后。立世子標爲皇太子。初上率師渡江。后亦率將士妻妾繼至。及居建康。后親率妾媵完緝衣。助給將士。嘗謂上曰。方今豪傑並爭。雖未知天命所歸。以妾觀之。惟以不殺。人爲本人。心所歸。卽

不以不
人爲

本

天命所在。彼縱殺掠。以失人心。雖其身亦難保也。及是冊立爲后。上謂侍臣曰。昔光武勞馮異曰。倉卒蕪蔓亭豆粥。滹沱河麥飯。厚意久不報。朕念皇后起布衣。時同甘苦。嘗從朕在軍。自恐饑餓。懷糗餌食。朕比之豆粥麥飯。其困尤甚。昔唐太宗長孫皇后。當隱太子構隙之際。內能盡孝。謹承諸妃。消釋嫌疑。朕素爲郭氏所忌。或以服用爲獻。后先獻郭氏。慰悅其意。卒免於患。殆尤難於長孫皇后也。朕因服御。詰怒小過。輒謂朕曰。主忘昔日之貧賤邪。朕爲惕然。家之良妻猶國之良相。豈忍忘之。罷朝。因以語后。后曰。妾聞夫

若臣相
保難

婦相保易。君臣相保難。且妾安敢比。長孫皇后但願
陛下以堯舜為法耳。

陳建曰。高皇后之德無異於任姒。其以忘貧賤相
惕。以君臣夫婦相保。難易致傲。尤深得諷諫之體。

以李善長為中書左丞相。章溢為御史中丞。

命李善長等兼東宮官。先是劉基陶安言於太祖曰
適聞中書及都督府議倣元舊制設中書令。欲奏以
太子為之。上曰元人事不師古。豈可取法。且吾子年
未長。學問未充。更事未多。宜尊禮師傅。講習經傳。博
通古今。識達機務。他日軍國重事。皆令啓聞。何必效
彼作中書令乎。命詹同取東宮官制觀之。謂同等曰

舉賢任
才立國
之本

朕今立東宮官。取廷臣勲德老成者兼其職。若新進
之賢。亦選擇參用。夫舉賢任才立國之本。崇德尚齒
尊賢之道。是故連抱之木。必以授良匠。萬金之璧。不
以付拙工。於是李善長為太子少師兼詹事。馮勝兼
副詹事。楊憲傅瓛兼府丞。徐達兼太子少傅。常遇春
兼太子少保。鄧愈湯和兼太子諭德。章溢兼太子贊
善大夫。劉基兼太子率更令。上諭善長等曰。朕於東
宮。不別設府僚。而以卿等兼之者。蓋軍旅未息。朕若
有事於外。必留太子監國。若設府僚。卿等在內。事當
啓聞。太子或有聽斷不明。而與卿等意見不合。卿等

二公之
言不可
忘

必謂府僚導之嫌疑由是而生朕所以特置賓客論
德等官且妙選名儒為之賓友昔周公教成王告以
克詰戎兵召公教康王告以張皇六師此皆居安慮
危不忘武備蓋繼世之君生長富貴徃於安逸軍旅
之事多忽而不務一有緩急罔知所措二公之言不
可忘也

上諭李善長陶安等曰朕誕膺天命統一海宇首建
郊社宗廟以崇祀事顧草創之初典禮未備將何以
交神明而致靈貺其酌古今之宜務在適中定議以
聞於是善長等奏有國大祀曰圓丘曰方澤曰宗廟

曰社稷各具沿革以進

定衛所官軍及定將帥將兵之法

其法自京師達於
郡縣皆立衛所大

率以五千六百人為一衛一千一百二十人為一所
一百一十二人為百戶所每百戶所設總旗二名小
旗十名管領鈐束以指揮使等官領之大小相聯以
成隊伍有事征伐則詔總兵官佩將印領之既旋則
上所佩將印於朝官軍各
回本衛大將單身還第

天下府州縣官來朝陛辭上諭之曰天下初定百姓
財力俱困譬猶初飛之鳥不可拔其羽新植之木不
可搖其根要在安養生息之惟廉者能約已而利人
貪者必賸人而厚已况人有才敏者或尼於私善柔
者或昧於欲此皆不廉致之也爾等當深戒之

以者能
已而

設尚寶司職在禁廷守寶璽符牌印章辨其所用有天之寶以鎮萬國祀天地曰皇帝之寶以冊封賜勞日皇帝信寶以徵名軍曰天子之寶以祭享鬼神曰天子行寶以封賜彝蠻曰天子信寶以調發番兵曰制誥之寶以識誥命曰勅命之寶以識勅命曰廣運之寶以識黃選勅籍曰御前之寶以進御座從車駕日皇帝尊親之寶以答賜宗人日敬天勤民之寶以訓迪有司凡護守侍衛令牌之號六日中木火土金木以警夜巡金牌之號五日仁義禮智信以嚴守衛凡半字銅符之號四日永東西北巡者左半守者右半合契而從事焉凡銅牌之號一日勇以稽直率凡牙牌之號五日勳親文武樂以察朝參凡祭牌之號三日陪供執以謹祀事凡雙魚銅牌之號二日嚴以肅直衛日善以潔祀壇凡符驗之號五日馬水達通信以給傳郵通制命

胡廷瑞等兵至建寧元守將同參達禮麻總管也先不花降執參政陳子奇送京師○湯和廖永忠等進

福建悉平

兵延平先遣人招諭元平章陳友定不從遂攻之參政文殊海牙等開門出降械友定送京師○胡廷瑞等進兵克興化遣使招諭汀州寧化連城等縣元汀州路守將陳國珍納款於是泉州漳州潮州郡縣相繼降附福建悉平○楊璟等進兵攻永州元守將右丞鄧祖勝全州平章阿思蘭遣兵來援擊敗之元兵復自廣西來援璟遣指揮袁子明擊之獲其萬戶丁武等千餘人璟分遣千戶王廷將兵復寶慶先是明寶慶為元將周文貴所陷至是廷進兵萊黃灘文貴遁去遂復其城○命平章廖永忠為征南將軍參政朱亮祖為副由海道取廣東諭之

曰兩廣之地遠在南方彼此割據民困久矣定亂安民正在今日彼聞八閩不守湖湘已平中心震懾無固守之志若先遣人宣布威德必有歸欵迎降者可不勞師旅慎勿殺掠阻向化之心且廣東要地惟在廣州廣州既下則循海州郡可傳檄而定海北以次招徠留兵鎮守仍與平章楊璟合兵取廣西用師方畧率用是道又勅贛州衛指揮陸仲亨率本衛及南雄韶州等鎮軍馬會廖永忠等合兵由韶州直擣德慶為犄角之勢○勅都督康茂才會同大將軍徐達等取中原

詔以太牢祀先師孔子於國學仍遣使詣曲阜致祭徐達等兵取南昌路進克棗州攻安樂元守將俞勝遁去其郎中張毅出降

定賦役法法以用一項出夫一人不及頃者以別用足之遇有興作於農隙徵發上慮役及貧民故定此例

改太史院為司天監○詔湯和還明縣造海船漕運北征軍餉

三月徐達等引兵上黃河克永城歸德許州取汴梁

○陳州守將左君弼降先是君弼自廬州走安豐安豐破復走汴梁元將李克彝使守陳州上遣使陳河

心忘

以書諭君弼曰曩者兵連禍結非一人之失予勞師
暑月與足下從事足下乃舍其親而奔異國是輕信
羣下之言以至於此雖悔何及今足下奉異國之命
禦彼邊疆與予接壤若欲獻計率師復境其中輕重
自可量也且予之國乃足下父母之國合肥之城乃
足下丘壠桑梓之鄉寧不思乎天下兵興豪傑並起
豈惟乘時以就功名亦欲保全父母妻子於亂世足
下以身為質而求安於人既已失策復使垂白之母
糟糠之妻獨居寡處各天一方朝思暮望以日為歲
足下縱不以妻子為念何忍忘情於老親哉功名富

親

歸其母
於陳州

貴可以再圖生身之親不可再得足下能留意於是
幡然而來予當棄前非仍復待以故舊則足下以天
理人心舉無不順矣君弼得書猶豫不能決上乃歸
其母於陳州君弼感泣至是王師西指汴洛君弼降
命為廣西衛指揮僉事

楊璟等圍永州分遣周德興張彬取全州元平章阿
思蘭夜遁全州民以城降於是道州寧州桂陽藍山
常寧武岡州守將皆來降○廖永忠等率舟師自福
州航海趨廣東先遣人至廣州以書招諭元分省左
丞何真師至潮州真遣都事劉克佐上其印章併籍

所部郡縣戶口兵馬錢糧奉表歸附

何真廣州東莞人少英偉好書

劔元末仕為河源務副使嶺海巡檢官歸鄉里率眾

保障至正十五年邑人王成陳仲玉搆亂真請於行

省舉義兵除之擒仲玉以歸成築砦自守圍之久不

下真募人能縛成者予鈔十千於是成奴縛之以出

真謂成曰公奈何養虎遺患成慙謝奴求賞真如數

予之使人具湯鑊駕諸轉輪車上成懼以為將烹已

也真乃縛奴於上促烹之使數人鳴鼓推車號於眾

曰四境毋如奴縛王者羅此刑也又使數人鳴鉦督

奴妻炊火奴一號則羣應之曰四境有如奴縛王者

刑視此於是人服其賞罰有章競歸之遂併有循惠二

州領表民賴以安元授以江西分省左丞或陳符瑞勸為尉佗計者輒斥絕之

○夏四月廖永忠等師至東莞何真率官屬出見進次虎頭關元

將盧左丞張元帥各率所部來降遂入廣州時參政

邵宗愚據三山寨遣人約降而遷延不至乃下令往

攻之獲宗愚及其黨皆斬於市馳檄往諭海南海北

郡縣悉皆歸附永忠遣人送何真降表至京師上賜

詔褒真謂其保境安民不勞師旅先期來歸雖漢唐

名臣竇融李勣奚讓持召真乘傳入朝賜宴仍賜白

金千兩文綺紗羅綾絹各百匹將校各賜有差上語

之曰天下紛紛所謂豪傑有三易亂為治上也保民

達變識所歸者次也負固偷安流毒生民身死不悔

斯不足論矣頃者師臨閩越卿即輸誠來歸使兵不

血刃民庶安堵可謂識時達變者矣授真中奉大夫

奴縛王
者羅此
刑

廣東悉平

陸仲亨率師畧定英德清遠連州肇慶等處元守將張鵬程遁去廣東悉平。○楊璟克永州進攻靖江今桂林府。○徐達等進攻河南傅友德分兵取福山寨元右丞潘莽兒降。陵青寨黑山寨守將聞風遁去。獲仙人寨守將牛參政等。神項寨守將張如圭降。達等進兵洛水北塔兒灣元將詹同脫因帖木兒率眾迎戰常遇春單騎執弓衝入其陣一箭中其前鋒敵大敗走詹同奔陝餘眾悉降遂營於河南城北行省平章阿魯溫降乘勝克陝州直抵潼關李思齊部將張德欽薛穆飛拒戰馮勝擊敗之遂入潼關李思齊棄輜重

奔入鳳翔

時陝西州郡皆李思齊張思道所據思道即張良弼也

詔免山東今年夏稅秋糧。○命工畫古孝行及身所經歷艱難起家戰伐之事為圖以示子孫。○命學士朱升等修女誡謂之曰治天下者修身為本正家為先后妃雖母儀天下不可使與政事政由內出未有不為禍本者。

蘄州進篔簹上因謂中書省臣曰古者方物之貢惟服食器用故無耳目之娛玩好之失今蘄州進竹篔簹雖為用物但未命而來獻若受之恐天下聞風爭進奇巧則勞民傷財自此始矣命却之仍令四方非朝

廷所需不得妄有所獻。

五月禁宦官不得典兵預政

宦官不得典兵預政

璘按明太祖首禁宦官不得典兵預政時有內使言及政事者輒責逐之仍制內侍不許讀書識字立法非不盡善也乃不數傳而王振汪直劉瑾魏忠賢輩預政矣典兵矣且委國以任之矣其後開門揖盜旋喪國於闖寺之手祖宗之良法美意其可忽乎哉

上巡幸汴梁議定都兼謀取元都○廖永忠朱亮祖

進兵取廣西攻梧州元達魯花赤拜住率官吏父老

迎降時元吏部尚書普顏帖木兒以便宜從事入廣

西行次藤州欲募兵迎戰民無應者既而州守吳庸

出降乃率所部走鬱林亮祖勒兵追斬之於是溥貴

等州郡以次降附亮祖分兵克平樂府

漳州府通判王禕上疏曰臣聞自古帝王定天下成

大業者必祈天永命而所以祈之者在乎修德君德

既修天眷自有不能已者書曰皇天無親惟德是輔

此之謂也人君修德之要有二忠厚以存心寬大以

為政二者德之大端也是故周家以忠厚開國故能

垂八百年之基漢室以寬大為政故能立四百年之

業簡冊所載不可誣也夫人君莫先於法天道最急

於順人心上天以生物為心故春夏以長養之秋冬

以收藏之皆所以生物也其間雷霆霜雪有時而搏

祈天永命在修德

忠厚存心寬大為政

擊焉。有時而肅殺焉。然皆暫而不常。向使雷霆霜雪。無時而不有焉。則上天生物之心息矣。臣願陛下之法天道也。夫民待君以為生。故人君視民之休戚。必若已之休戚。誠以君民同一體耳。取之有節。則民生遂。今浙西既平。租稅既廣。科斂之當減。猶有可議者。太祖平吳。照張文淵租簿。科糧每畝有徵。至七斗五升者。民不堪命。故此疏特言之。臣願陛下之順人心也。法天道。順人心。則存於心者。自然忠厚。施於政者。自然廣大。祈天永命之道。未有越此者也。陛下建國之初。方將立法垂憲。以定一代之典。制度禮文之事。可議者固多。未敢悉數。特舉帝王為治之

大要。冒昧以聞。

廣西悉平

六月楊璟等克靖江路。遣兵攻下柳州。招諭兩江溪洞。○秋七月。左江太平府土官黃英衍。右江田州府土官岑伯顏。各遣使賫印來降。廖永忠進兵潯州。直抵南寧。遣指揮耿天璧等討元平章阿思蘭於象州。師至賓州境。阿思蘭率所部詣永忠降。廣西悉平。○鄧愈進兵克隨州。討平麻張新寨。及信陽玲瓏寨。破光石腦山寨。於是葉舞陽。魯山等縣。相繼降附。南陽等處遂平。時潼關以東皆平。上命諸將旋師。進取元都。上發汴

梁回京師。以都督馮勝爲右副將軍，留守汴梁。是月癸酉，京城紅氣滿空，如火照人。自旦至辰方息。乙亥，京城黑氣起，自步內不見人，從寅至巳方消。閏七月，徐達等自中灤渡河，取衛輝。元守將平章龍二棄城走彰德，師至彰德，龍二復出走。其步將楊儀卿來降，得船八千餘艘，遂下磁州，進攻廣平。元平章周顯先遁，進克臨清，獲元將李寶臣。都事張處仁以爲嚮導，達檄諸將各率馬步舟師，大會於臨清，遣顧時浚開以通舟師，至直沽，獲其海舟，造浮橋以濟師。至河西務，元平章俺普朶兒只進巴等迎敵，大敗之。

擒知院哈刺孫及省院將校三百餘人。俺普等遁，師至通州。衆欲速攻之，指揮郭英曰：「我師遠來，敵以逸待勞，攻城非我利也。宜出其不意破之。」翼日大霧，英以千人伏道旁，自率精騎三千直抵城下。元將五十人，國公率敢死士萬餘，張兩翼而出，與戰良久。英佯敗，元兵乘勝來追，伏兵起，截其軍爲兩道，斬首數千級。擒元宗室梁王索羅，遂克通州。元主聞報，大懼，集其三宮后妃、太子、同議，避兵北行。遲明，羣臣會議，端明殿及開門，忽有二狐自殿上出。元主見而嘆曰：「宮禁嚴密，此物何由而至？殆天所以告朕，朕其可留哉！」

復作徽欽銜壁求活邪左丞相失烈門知樞密院事
 黑廝皆諫不聽即命淮王帖木兒不花監國丞相慶
 童同留守夜半開建德門出居庸關北去如上都
 八月明兵至燕京攻齊化門填濠登城而入執元淮
 王及丞相慶童平章迭兒左丞丁敬等戮之獲玉印
 二玉璽一大將軍徐達封其府庫財貨寶物及封故
 宮殿門以兵守之宮人妃主令其宦寺獲持號令士
 卒毋得侵暴人民安堵市肆不移

詔以汴梁為北京金陵為南京初太祖以金陵六朝舊都國祚不永及得汴梁親往視之將徙都焉後又謂汴梁四面受敵非建都之地且人民凋敝不可重勞興築宜罷之又議

遷於長安以漕運艱難而止監察御史胡子祺議遷都關中不報又議遷都北平可以控制邊陲修撰鮑煥曰元主起自朔北是以立國在燕天運已改不可因也今南京宮室已完不必改圖後營鳳陽為中都亦以劉基之言而不果遷

放元宮人

是月六日京師天鼓鳴遂赦天下惟十惡不赦放元宮人

御史中丞劉基辭歸青田先是上北巡命李善長及
 基留守中書省都事李彬犯法基按之罪當死善長
 請緩其獄基不聽奏上竟殺彬由是與善長忤上回
 京善長愬之基求退遂歸

設六部官職分理天下庶務尚書正三品侍郎正四

品

有司奏造乘輿服御諸物。應用金者。命皆以銅爲之。有司言費小不足。漸上曰。朕富有四海。豈吝於此。然所爲儉約者。非身先之。何以率下。小用不節。大費必至。開奢汰之原。啓華靡之漸。未必不由小而致大也。江西行省參知政事陶安卒。上哀悼。親製祭文。遣使祭之。追封姑熟郡公。安字正敬。當塗人。少有大志。博涉經史。元末爲書院山長。上克太平。安與李習迎見。退謂習曰。非常人也。我輩今有主矣。上召安問曰。吾欲取金陵。何如。安曰。金陵古帝王之都。龍蟠虎踞。限以長江之險。若取而有之。據其形勢。出兵以臨四方。則何向不克。此天所以資明公也。上稱善。留參幕府。贊機務。移知饒州。賊攻城。安與千戶宋炳分城拒守。安登城諭賊曰。爾皆吾民。反爲賊用。無乃失計乎。衆曰。使皆如太守。豈有今日。城卽破。不相害。會援兵至。賊敗去。諸將請盡屠從賊者。安

曰。民爲賊脇。奈何殺之。不許。御史有言。安隱過者。上曰。朕素知安安。豈有此。且爾何從知。對曰。聞之道路。上曰。御史取道路言。毀譽人以此爲盡職可乎。立黜之。至是卒。年五十七。初疾劇。猶草上時務十二事。出初諸禮。多安裁定。大祀禮。專用安議。禘禮。定於房。同齋戒禮。朱升。五祀禮。崔亮朝會禮。劉基視祭禮。魏觀。車禮。陶凱。

大將軍達遣孫興祖俞通源等克永平常遇春傅友德等畧保定中山河間真定皆下之上以元都旣克命大將軍進取山西十月詔改元燕京爲北平府置燕山等六衛以都督孫興祖華雲龍守之。○御史大夫湯和平章楊璟班師還京復命和璟俱爲偏將軍從大將軍征山西調

右副將軍馮勝率師由河南進征。渡河克武陟懷慶。
 (元)平章白鎖住棄城遁。進取澤州。(元)平章賀宗哲棄
 城遁。進克潞州。○召劉基至京。贈基祖父爵。永嘉郡
 公。欲授基爵。辭曰。陛下乃天授。臣何敢貪天之功。聖
 恩深厚。顯榮先人足矣。

以耆儒梁真王儀為太子賓客。秦鏞盧德明張昌為
 太子諭德。○鄧愈討蜀之莽張獲之。悉平。金商均房
 數州之地。

詔衣冠悉復。(唐)制。士民皆束髮於頂。官則烏紗帽。員
 領束帶。黑靴。士庶則服四帶巾。雜色盤領衣。不得用

黃玄

建大本堂。遣儒臣教授太子諸王。以起居注魏觀侍
 太子讀書。諸臣分番夜直。上時臨幸。商確古今。評論
 文字。上嘗御文樓。太子侍。問近與儒臣講何史。對曰
 (漢)七國事。上問曲直安在。對曰。曲在七國。上曰。此講
 官一偏之說。景帝為太子時。以博局殺吳世子。及為
 帝。又輕聽晁錯黜削諸侯。七國之變。實由於此。若為
 諸子講此。則當言藩王當上尊天子。毋撓天下公法
 如此。則為太子者。知隆親親之恩。為諸子者。知夾輔
 王室。盡君臣之義矣。

一官一
 偏之說
 晁錯
 制諸

璘按太祖論七國事最為透徹其後建文嗣統必欲盡削宗藩然竟以此失天下則齊黃之術疎矣
 十二月徐達與諸將議曰聞擴廓帖木兒出太原由保安經居庸進攻北平孫都督總六衛之師足以鎮禦我與爾等乘其不備直抵太原傾其巢穴則彼進不得戰退無所依此兵法所謂扼吭擗虛者也若彼還兵救太原則已為我牽制進退失利必成擒矣諸將皆曰善遂引兵徑進擴廓帖木兒聞之果還兵其鋒甚銳萬騎突至傅友德薛顯率敢死士數千騎衝卻之敵軍於城西指揮郭英憑高望之謂常遇春曰彼兵多而不整營大而無備請夜劫之遇春然其計與大將軍達謀曰我騎兵雖集而步兵未至何以能戰莫若遣精騎夜劫其營其眾可亂眾亂主將可縛也達從之會擴廓部將豁鼻馬潛使人約降且請為內應達大喜遂乘夜襲之先遣五十騎伏城東十里以舉火鳴砲為期至夜郭英率十餘騎潛入其營舉火鳴砲伏兵應之遇春等引兵繼至敵大潰亂擴廓方坐帳中聞變倉卒亟納靴未竟蹠一足踰帳後出乘驕馬從十八騎遁去追不及遂克太原豁鼻馬率眾降得兵四萬餘人馬四萬餘匹達復遣傅友德薛顯將步騎邀擊賀宗哲軍於石州敗之崞忻霍絳猗

與大將軍達謀曰我騎兵雖集而步兵未至何以能戰莫若遣精騎夜劫其營其眾可亂眾亂主將可縛也達從之會擴廓部將豁鼻馬潛使人約降且請為內應達大喜遂乘夜襲之先遣五十騎伏城東十里以舉火鳴砲為期至夜郭英率十餘騎潛入其營舉火鳴砲伏兵應之遇春等引兵繼至敵大潰亂擴廓方坐帳中聞變倉卒亟納靴未竟蹠一足踰帳後出乘驕馬從十八騎遁去追不及遂克太原豁鼻馬率眾降得兵四萬餘人馬四萬餘匹達復遣傅友德薛顯將步騎邀擊賀宗哲軍於石州敗之崞忻霍絳猗

氏平陽等處皆平。

注河完
即東歸

前奉使汪河自陝歸。河自癸卯歲奉使被拘。至是凡六年。抗厲不屈。完節東歸。上嘉之。擢為吏部侍郎。河備陳陝中事。且上方畧。擴廓帖木兒竟由是敗。○安南國王陳日燧遣使奉表朝貢。○頒社稷壇制於天下。郡邑左社右稷。各方二丈五尺高三尺四寸。陞三級。祭用春秋二仲月上戊日。○詔立旗纛廟於京師。都督府治之後。天下衛所於公署後。以霜降日致祭。巳酉二年春正月。高麗王王顥遣使奉表朝貢。○勅建元右丞余闕江州總管李輔祠肖像祀之。○諸軍

攻大同路。克之。擒其守將竹真。○免山東山西

河南秦隴及應天太平鎮江寧國廣德滁和等處本

年夏稅秋糧。○以功臣胡大海耿再成趙德勝廖永

安俞通海張德勝桑世傑配享太廟。○勅建功臣廟

於雞鳴山。○命中書省定太歲風雲雷雨嶽鎮海瀆

山川城隍諸神祭禮。○置河間長蘆河東陝西都轉

鹽運使司。○命祀馬祖諸神。築壇於後湖。按周官春

祭先牧。秋祭馬社。冬祭馬步馬祖。天駟星也。先牧始養馬者。馬社。始乘馬者。馬步。神之。災害於馬者。

二月上耕籍田。既又命皇后率諸命婦蠶於北郊。以

供祭服。○更定太廟時享。春以清明。夏以端午。秋以

中元冬以長至。

以侍讀學士秦裕伯為翰林待制。裕伯大名入先從父仕元在燕都。就

學官監登第。後累官至福建行省郎中。會世亂棄官寓揚州。復避地上海。時張士誠據姑蘇。遣人招之。拒不納。吳元年。上命書檄下松江起之。裕伯對使者曰。受元爵祿三十餘年。背之不忠也。母喪未終。忘哀而出不孝也。乃上書中書省固辭。洪武元年。復檄起之。稱疾不出。上乃手書諭之曰。海濱之民好鬪。裕伯智謀之士。而居此地。苟堅守不起。恐有後悔。裕伯拜書入朝。授侍讀學士。屢辭不允。授待制。

上謂詹同日。古人為文或以明道德。或以通世務。如典謨之言。皆明白易知。至如諸葛亮出師表。亦何嘗雕刻為文。而誠意溢。出使人感激。近世文士。不究道德。不達世務。立辭艱澁。意實淺近。即使過於相如楊

雄何禪實用。自今翰林為文。但取通道理。明世務者。

母事浮藻。○詔修元史。命左丞相李善長監修。召前起居注宋濂。漳州府通判王

禕。為總裁。徵山林遺逸之士。汪克寬等十六人同纂修。開局天界寺。取元經世大典諸書。以資參考。又遣儒士歐陽佑等。往北平採訪元統及至正事蹟。既而進廉翰林學士。禕待制。時有布衣王彝。字宗常。有操行為文本經術。會稽楊維禎。以文名海內。彝獨薄之。曰。文不明道。而徒以色態媚人。所謂淫於文者也。作文妖數百言。詆之。至是與修元史。

大將軍徐達承制。遣楊璟等還征唐州。先是鄧愈下

唐州。以朱指揮守之。後唐州兵亂。殺朱指揮。蘇家寨

賊將老馬劉及南陽郡縣。皆相繼而起。事聞。故有是

命。崇至南陽。首諭協從者曰。今天下大定。唐州亂兵

欲何所濟。徒自速亡耳。汝等皆有生理。胡爲效尤。今若早歸田里。轉禍爲福。彼如負固。罪有所歸。由是協從者皆散。乃攻唐州。一鼓破之。戮其守而宥其餘。南陽復平。

大將軍達等兵克河中府。遂會諸將。遂取陝西。造浮橋渡河。攻西安府。○三月大軍至西安。營於長安城北。元平章王武率官屬士民迎降。遂遣馮勝取鳳翔。李思齊奔臨洮。

夏四月大將軍達至鳳翔。議師所向。諸將咸以張思道之才。不如李思齊。慶陽易於臨洮。先取慶陽。然後從隴西攻臨洮。達曰。不然。慶陽城險而兵悍。未易猝拔。臨洮之地。西通番彝。北界河湟。得之。其人民足以備戰鬥。其地產足以供軍儲。今以大軍蹙之。思齊不西走。必束手就降矣。臨洮既克。旁郡自下。諸將然之。遂進兵克隴州秦州鞏昌。乃遣馮勝率諸衛兵進征臨洮。李思齊窮迫。遂舉城降。時張思道弟張良臣守慶陽。聞王師克臨洮。大懼。亦以慶陽降。顧時戴德征蘭州克之。大將軍送李思齊赴京。入見。上嘉慰之。命爲江西行省左丞。不之官。食祿於京師。時倭寇劫掠蘇州崇明。沿海爲患。太倉衛守禦指揮

僉事翁德率官軍捕之。遇於海門之上，幫擊殺不可勝計。生獲數百人，得其兵器海舟。奏至，詔以德有功。陞本衛指揮副使。賞其官校綺帛白金，有差戰溺死者，加賜錢布米。仍命德往捕，未盡。倭寇遣使祭告東海之神。德承命往，倭不復出沿海，遂寧。

五月，大將軍徐達進征平涼。張良臣復叛，達趨涇州，遣兵圍慶陽。○元也速復侵通州，先是來侵曹良臣，以千騎却其萬騎，至是復至。上命常遇春以所部軍東還禦之，復命李文忠為副。由遵化度鹿兒嶺，敗元將江文清於錦州，獲其士馬千計。至大寧也，速迎戰。

敗走，進破開平。元主北奔，追至北河，俘斬其宗王慶生等，遂進攻大興。文忠度其必走，乃設伏截其歸路。元人果夜遁，遇伏，大破之，斬其將鼎佐，得軍士萬人。

車萬輛，馬三千匹，牛羊五萬頭，全師還京。次柳河川，常遇春得疾而卒。年四十。計聞，上震悼，罷朝，追封開平王，謚忠武。樞至龍江上，親製文，躬往祭之，慟哭而還。命配享太廟，肖像祀於功臣廟。位皆第二。長子茂封鄭國公，次子昇封開國公。後勅葬遇春於鍾山之

陰。遇春濠之定遠人，元末羣盜起，有大盜劉聚，得遇春，凡所剽掠，遇春果敢深入，必克獲而歸。由是為聚所愛重，然察其意，鹵莽無遠志。屬太祖駐兵和州，遇春年二十三，率所部數十人來歸。未至，假寐田間。

夢神人披金甲擁盾呼之曰起起上君來適太祖騎從至即伏謁願為先鋒太祖曰爾以飢來歸且有故主在吾安得奪之遇春頓首曰劉聚盜耳無能為也太祖猶未許既渡江抵采石元兵置陣磯上舟相去三丈餘遇春飛舸至太祖麾之應聲挺戈躍而上元兵披靡遂敗之乘勝取太平始授總管府先鋒所向輒捷論功與大將軍徐達等及卒其子鄭國公茂弱冠而封茂婦父為宋國公馮勝以隸宋國公北征納哈出不奉約束削爵安置廣西之龍州然猶念遇春功封其次子昇為開國公建文末以抗靖難師安置雲南臨安奪爵嘉靖中繼絕世封其後為懷遠侯

大軍圍慶陽日久王保保欲為張良臣聲援遣將韓札兒攻破原州指揮陳壽等皆陷沒大將軍達遣右丞徐禮控扼驛馬關以當原州之衝馮勝駐軍驛馬關之東傅友德薛顯駐靈州甯正守邠州葉國珍守

陝西悉

彭原以遏之札兒復攻陷涇州勝等追擊之札兒遁去張良臣外無救援內乏糧餉至煮人汁丸泥嚙之其黨姚暉等開門出降達入城良臣投井中引出斬之慶陽平遂下平涼王保保賀宗哲皆北遁陝西悉平達等班師還京

征南將軍廖永忠副將軍朱亮祖等自廣東班師還京上命皇太子率百官迎勞於龍江入見上撫慰歡甚復命太子送永忠歸第○時中原南北皆定惟偽夏主明昇據蜀上遣楊璟往招諭之昇年尚幼國事皆決於母彭氏及其偽丞相戴壽璟至諭以禍福昇

欲奉國入覲。率於羣議未決。環將還。以書曉之。昇不能從。○詔李文忠代領常遇春之衆。應援慶陽。文忠至太原。聞慶陽已平。而元兵攻大同甚急。謂副將趙庸等曰。吾與君等受命而來。闕外之事。有利於國者。專之可也。今大同受敵。若候進止。吾恐敵愈熾。豈不失機。衆曰諾。遂由代出鴈門關。九月。師次馬邑。元邏騎數千猝至。文忠與戰。敗之。擒其將不革。擲帖木兒次白禪驛。擒四大王。時天雨雪。文忠疑有伏。自引數騎入山覘之。前軍已駐營。去敵五十里。文忠令復前進。阻水爲營。先遣人間行。達大同。告知城中。是夜元

將脫列伯悉衆來攻。文忠堅壁不動。度其饑疲。乃分兵爲左右翼。身當前鋒。奮擊大破之。生擒脫列伯。降其衆萬餘人。獲輜重馬匹無算。遂進兵追孔興至東勝州。莽哥倉而還。

元史成上親疏張中十事。命宋濂作傳。張中。字景華。江西臨川人。

少習儒。以春秋應舉不第。遂放情山水。遇異人。授以太極數學。時天下大亂。與人言避兵之方。從則吉。違則凶。歲壬寅。上率師下豫章。鄧愈薦中。召至。問曰。予定豫章。兵不血刃。市不易肆。生民自此蘇息。否。對曰。未也。且夕。此地當流血。盧舍焚燬。殆盡。鐵柱宮亦爲灰燼。惟一殿存耳。及指揮康泰反。一如中言。陳友諒圍豫章。三月不解。上舉兵伐之。召問中。中對曰。五十五日。當大勝。亥子之日。獲其首領。其戰必在南康。上因命中從行。舟次孤山。無風不能進。中日當祭之。祭已風大作。遂達彭蠡湖。常遇春與敵戰。康鄧山被圍。其月已昏。其

明太祖紀

勢甚危皆謂不可救中曰亥時當自出如期果出連戰輒大勝陳友諒中飛矢死降其衆五萬人初豫章受圍上問何日圍解中曰當在七月丙戌暨報至乃乙酉蓋日官算曆是月差一日實在丙戌解去其他奇中往往類此嘗戴鐵冠人稱鐵冠道人云

占城國王阿答阿者遣其臣虎都蠻來朝貢

功臣廟成

以徐達爲首次常遇春李文忠鄧愈湯和沐英胡大海馮國用趙德勝耿再成華高

丁德興俞通海張德勝吳良吳楨曹良臣康茂才吳復茅成孫興祖凡二十一人死者肖像祀於廟

冬十月高麗使者辭歸上賜書諭其王并以六經四

書賜之

命天下郡縣皆立學

府學生員四十人州學生員二十人縣學生員二十人設教長

學正教諭

州學正等官

命天下郡縣皆立學

十一月以廣東行省叅政周貞爲刑部尚書

殘元王保保知大將軍南還自甘肅以兵來襲蘭州

守將張溫整兵出戰元兵少却溫收兵入城堅守鞏

昌守將于光來援至馬關灘猝遇保保兵戰敗被執

擁至蘭州城下使呼張溫出降光大呼曰我不幸被

執公等宜堅守大將軍行至矣賊怒殺之城中間光

言守益固賊二鼓登城溫擊却之乃引兵去事聞陞

溫都督僉事遣官諭祭光命配享功臣廟

十二月賞平定中原征南將士徐達廖永忠胡定瑞

楊璟康茂才傅友德薛顯馮勝顧時朱亮祖郭興白

金文幣有差上念副將軍常遇春功勞與大將軍一體優賞。

御史中丞章溢卒。溢居官務存大體。不屑細故。或以

為言。溢曰。憲臺百司儀表。居其職者。當先養人廉耻。

使避而不犯。豈直恃搏擊為哉。溢字三益。龍泉人。元

至正間。寇犯龍泉。執

溢。從子存仁。溢願代之。賊聞溢名。大喜。問計。溢正色

曰。若等皆有父母妻。子顧為此滅族事。賊怒。并執溢

給守者。得脫歸。集里兵擊賊有功。授龍泉主簿。辭

結廬匡山。太祖召溢。擢僉營田司事。巡行江東兩淮

歷浙東按察司僉事。會按察使孔克仁坐法。辭連溢。

太祖曰。子素知溢守法。陞溢湖東按察司副使。溢曰。

疆場之事。臣死不避。副臬之命。敢辭。太祖從之。比至

處。州諸山寨已叛。溢誅首叛者。餘悉解散。溢朝京師。

太祖曰。卿在邊良苦。待半吳。即召卿。因謂侍臣曰。溢

雖儒臣。宣力一方。寇盜盡平。功不在諸將。後因問溢

不在

著將後

征閩方畧。對曰。湯和由海道進。胡廷瑞自江西入。李
文忠從浦城取建寧。此必勝也。太祖立詔。文忠出師
如其策。洪武元年。拜御史中丞。太祖祀社稷。大風雨
還坐外朝。大怒。議禮者罪且不測。溢從容言曰。風雨
連朝。無足為怪。願賜寬濟。事遂已。溢有文武才。莅官
所至。有成績。天性至孝。撫世附物。一本於誠。每臨大
事。議論不避權貴。凡有評諫。太祖委曲從之。至是居
母喪。悲戚過度。營辦葬事。親負土石。感疾而卒。太祖
愍悼。親製文遣人祭之。

以義理
為權衡
而已無
其

上欲以楊憲為丞相。劉基與憲素厚。以為不可。上怪
之。基曰。憲有相才。無相器。夫宰相者。持心如水。以義
理為權衡而已。無與焉者也。今憲不然。能無敗乎。上
曰。汪廣洋何如。基曰。褊淺。觀其人可知。上曰。胡惟庸
何如。基曰。此小獷。將憤轅而破犁矣。上曰。吾之相無

踰於先生。基曰：臣非不自知，但臣疾惡大深，又不耐煩劇爲之。且孤大恩天下，何患無才？願明主悉心求之。如目前諸人，臣誠未見其可也。

璘謂從來才難，知人難，自知更難。劉基曰：宰相以義理爲權衡而已，無與。卽伊周亦不是過，斯誠難矣。而明太祖不得之于楊憲，復求之于汪廣洋胡惟庸，豈謂知人之哲乎？且素知基峻隘，而基卽自以爲疾惡太深，不耐煩劇，誠使任之爲相，將見峻者易之以平易，隘者濟之以含弘，其事業必有可觀者。基嘗曰：若使我當國，掃除俗弊，一二年後，寬政可復也。基之不相，豈故遲猶未除歟。

李文忠以所俘脫列伯等獻京師。上曰：彼亦爲其主耳，事敗至此，情有可矜，其釋之，仍賜冠服。

庚戌三年，議出師征沙漠，命大將軍徐達率諸將由

陝西出征。王保保、李文忠爲左副將軍，同趨庸，出北

平攻(元上都)

禮部奏定朝日壇，築於城東門外，高八尺，夕月壇築於城西門外，高六尺，朝日以春分日，夕月以秋分日，星辰則附祭於月壇從之。○二月，追封故元帥郭子興爲滁陽王，立廟滁洲，命有司致祭。

三月，免應天、徽州、十三府州、河南、山、東、北平。本年夏，稅秋糧。○夏四月，封建諸王，詔曰：朕聞古昔帝王之子，居嫡長者必正儲位，其衆子當封以王爵，分茅胙土，以撫其國。朕今有子十人，卽位之初，已立長子標。

為皇太子。諸子之封。本待報賞功臣之後。然尊卑之分。所宜早定。乃以四月初七日。封第二子棧為秦王。第三子櫛為晉王。第四子棣為燕王。第五子櫛為周王。第六子楨為楚王。第七子博為齊王。第八子梓為澧王。第九子杞為越王。第十子檀為魯王。姪孫守謙為靖江王。皆授以冊寶。設置相傳官屬。○以危素為弘文館學士。尋謫居和州。素。撫州金谿人。字大朴。與元至正末。素累官工部翰林學士。承旨。學為待制。徐達克燕京。下令元臣。凡口輪告身。素與學約。死於難。學從人張午。勸學勿死。學不從。竟投居賢坊井中。死。素走所居。張思寺。亦投井。寺僧大梓。挽出之。謂曰。國史非公莫知。公死。是亡國史也。素因不死。達乃以素歸。上雅聞素名。仍命為學士。一日。上御東閣側室。靜坐。素至。履聲橐橐。徹簾內。上問為誰。對曰。老臣危素。上曰。是爾耶。朕將謂文天祥來也。素惶恐頓首。上曰。素。元朝老臣。何不赴和州看守。余闕廟去。素至和。逾年。受懼而卒。○按一統志。有蔡子英者。河南永寧人。元末舉進士。累遷顯官。元兵敗。子英單騎走關中。入南山。大將軍圖形求之。傳送京師。授以官。不受。退而上書。大畧謂臣之事君。猶女之適人。一與之。終身不改。事君之道。食其祿。終身不貳。朝廷重之。命館於儀曹。忽一夜。大哭不止。人問其故。曰。思舊君耳。上知其志不可奪。遣送出來。

詔開科取士。初場各經義一道。四書義一道。二場論一道。詔誥表箋內科一道。三場策一道。中式者。後十日。以騎射書算律五事試之。○改濠州為中立府。定為中都。築新城。城內營皇城宮殿。立郊廟社稷。置文武公署。一如京師。以羣臣言。臨濠帝鄉。可建都也。○

詔行大射禮

詔行大射禮。令太學生及天下郡縣生員皆習射。○定服色之制。色尚赤。○徐達大破王保保兵於定西古城。擒元剌王文濟。王國公閻思孝。平章韓札兒。虎林赤等官一千八百六十五人。降其將校士卒八萬四千五百人。獲馬萬五千二百八十四匹。駱駝驢騾雜畜不可勝計。王保保與其妻子數人從古城北遁去。是役也。都督孫興祖戰歿於五郎口。右丞胡德濟戰於莊浪。敗績。大將軍達械德濟送京師。上遣使諭達曰。胡右丞失律。正當就軍中戮之。若送至朝廷。朝廷必議其功。過彼嘗有救信州之功。守諸暨之勞。故不

忍加誅。宜除其罪。由赦之。孫興祖事聞。上痛悼。追封

燕山侯。塑像於功臣廟。

劉基嘗言於上曰。臨涼雖帝鄉。然非建都之地。王保保雖

可取。然未易輕敵也。至是孫興祖胡德濟師失利。王保保走沙漠。鳳陽雖營為中都。而卒不居。皆基言。

○李文忠等師出野狐嶺。降其守將。至察罕。屠兒擒

其平章祝真。次於白子海。之駱駝山。元太尉蠻子等

拒戰。敗之。進攻紅羅山。楊思祖率萬餘人降。進次開

平。獲元平章上都罕等。始知元主於四月二十八日

以疾殂於應昌。文忠克應昌。獲元主嫡孫買的里八

剌及后妃諸王并宋代玉璽金寶一十五玉冊二大

圭玉鎮圭玉斧各一。元太子愛猷識里達剌僅

脫身遁追至北慶州不及而還朔庭遂空

按元十四主百六十五年內去世祖庚辰前七十三年為宋順帝丁未後二年為洪武實九主八十八年

五月大將軍達遣鄧愈招諭吐蕃自將取慶元○達

等自定西旋師乘勝取鳳州克畧陽擒元平章蔡琳

遂入沔州由鳳翔入連雲棧取漢中守將劉思忠等

以城降達還軍西安

六月李文忠遣送元王孫買的里八剌至京師省臣

楊憲等請獻俘於廟上曰古者雖有獻俘之禮武王

伐殷曾用之乎憲曰武王事不可知唐太宗嘗行之

此禮係不行

上曰太宗是待王世充若遇隋之子孫恐不行此禮

元人入主中國朕之祖父亦與享其太平獻俘之事

不忍加之乃賜買的里八剌第宅於龍山封為崇禮

侯○修元史成詔修大明集錄其書以吉凶軍賞嘉

字學樂律六者為綱

詔戶部籍天下戶口置戶帖書各戶之鄉貫丁口名

歲以字號編為勘合用半印鈐記籍留於部帖給於

民令有司點閱比對有不同者問發充軍官隱瞞者

處斬○建諸王府

以劉基為弘文館學士翰林應奉陶凱為禮部尚書

○中書省左丞相楊憲以罪誅。憲入中書欲盡變省出更用所親乃創為一統山河花押示僚吏以觀從違翰林編修陳極賀曰押字大貴只有天在上更無山與齊者也憲大喜即奏極為翰林德制陰令御史劉炳誣奏侍郎左安上覺之下炳獄炳吐實憲與炳皆伏誅。

○宋濂王禕等進續修元史。

秋八月都督康茂才從征漢中卒於道計聞上震悼追封斬國公親臨奠祭。茂才斬州人元末結義旅捍寇有功累遷宣慰使都元帥戊裕溪采石太祖渡江將士多効死茂才數戰不勝常遇春設伏殲其精銳茂才復收潰卒立寨於天寧洲太祖命以襄陽砲破其寨茂才奔金陵金陵破復奔鎮江諸將追及之茂才知天命有歸乃解甲率所部降曰前者之戰各為其主今日至此死生惟命太祖笑而釋之令統所部從征。

大將軍徐達率諸將西征吐蕃克河州吐蕃元帥何鎖南普花兒只等皆納印請降追元豫王至西黃河抵黑松林殺阿撒禿于於是河州甘朶烏思藏等部皆來歸哨至甘肅西北數千里始還。

冬十一月左副將軍李文忠等大將軍徐達等班師至京丞相李善長率百官上表賀上御奉天殿大封功臣。李善長韓國公徐達魏國公常遇春子茂鄭國公李文忠曹國公馮勝宋國公鄧愈魏國公湯和中山侯耿炳文長興侯吳良江陰侯廖永忠德慶侯傅友德賴川侯趙庸南雄侯楊璟營陽侯郭興鞏昌侯顧時濟寧侯吳楨靖海侯唐勝宗延安侯陸仲子吉安侯費聚平涼侯周德興江夏侯陳德臨江侯華雲龍淮安侯胡廷瑞豫章侯朱亮祖永嘉侯韓政東平侯俞通源南安侯康茂才子鐸斬春侯王志六安侯鄭遇春榮陽侯曹良臣宣寧侯黃彬宜春侯梅思祖汝南侯陸聚河南侯華高廣德侯並賜鐵券子

係世襲。封汪廣洋忠勤伯。劉基誠意伯。爵止其身。追封故功臣。馮國用郢國公。俞通海瓊國公。丁德興濟國公。加封耿再成泗國公。封汪興祖爲東勝侯。人有言其過者。弗與詰券。俾自効以圖實封。封薛顯爲永城侯。亦不與詰券。俾居海南。上召諸將論之。曰。左丞薛顯始自扞貽來歸。朕推腹心以任之。及從征討。皆著奇績。自後破慶陽。追王保保。戰賀宗哲。其勇畧意氣迥出衆中。可謂奇男子矣。朕甚加之。然其性剛勇。朕屢飛飭而終不悛。至於妄殺胥吏。殺獸醫。殺火者。殺馬軍。而又妄殺天長衛千戶吳富。尤不可恕也。富自幼從朕。有功無過。顯因利其所獲。孳畜殺而奪之。朕欲加以極刑。恐人言天下甫定。卽殺將帥。欲宥之。則死者何辜。今乃論功封以侯爵。謫居海南。分其侯祿爲三。一以贍吳富之家。一以贍馬軍之家。一以養其老母妻子。庶幾功過不相掩而國法不廢也。

上坐東閣。召諸武臣問之曰。爾等退朝之暇。所務者何事。所接者何人。亦嘗親近儒生乎。往在戰陣之間。

提兵禦敵。以勇敢爲先。以必勝爲功。今閒居無事。當與儒生講求古之名將。成功立業之故事。君有道。持身有禮。謙恭不伐。能保全其功名者何人。驕淫奢侈。暴橫不法。不能保全終始者何人。常以此爲鑒戒。則可與古之名將並矣。○戶部言陝西察罕腦兒之地。有大小鹽池。請設鹽課。提舉司東至慶陽。南至鳳翔。漢中西至平涼。北至靈州。募商人入粟中鹽。粟不足。則以金銀布帛馬驢牛羊之類。驗值準之。如此。則軍儲不乏。民獲其利。從之。○大明志書成。

建奉先殿於乾清宮左。自太廟一歲五享之外。每日

焚香朔望薦新節序及生辰皆於此祭祀用常饌行家人禮。

辛亥四年時僞明昇尚據巴蜀上命湯和為征西將軍督楊璟廖永忠周德興曹良臣等率京衛荆湘舟師由瞿唐趨重慶傅友德為前將軍督顧時陳德汪興祖等率河南陝西步騎由秦隴趨成都上密諭傅友德曰蜀人恐吾西伐必悉其精銳東守瞿唐北阻金牛若出其意外直擣階文門戶既隳腹心自潰兵貴神速但患不勇耳○二月以刑部郎中劉惟謙為尚書○廣德侯華高卒追封巢國公塑像功臣廟○

命祠祀
元福壽

命有司祠祀元御史大夫福壽

三月親策試進士吳伯宗等及第出身有差

伯宗撫州金谿

人時初開科目賜袍笏冠帶授禮部員外郎命與學士宋訥同修大明日曆胡惟庸方用事欲人附已伯宗性剛直不為少屈惟庸恨之上令各行省連試三年官足任使自後三年一舉著為定例

遣使祭歷代帝王陵寢

在河南者十陳州祭伏羲商高宗孟津縣祭漢光武洛陽

縣祭漢明帝章帝鄭州祭周世宗鞏縣祭宋太祖太宗真宗仁宗在山西者一榮河縣祭商湯在止東者二東平州祭唐堯曲阜縣祭少昊在北平者三內黃縣祭商中宗滑縣祭顓頊高辛在湖廣者二鄱縣祭神農寧遠縣祭虞舜在浙江二會稽縣祭者夏禹宋孝宗在陝西者十五中部縣祭黃帝咸陽縣祭周文王武王成王康王宣王漢高帝文帝景帝與平縣祭漢武帝長安縣祭漢宣帝三原縣祭唐高祖醴泉縣

祭唐太宗蒲城縣祭唐憲宗聖 陽縣祭唐宣宗凡三十五陵。

故元遼陽行省平章

劉益籍其軍馬錢糧之數并遼東州郡地圖遣使來

降上嘉其誠遣斷事官吳立持詔往論置遼東指揮

使司以益同知指揮事○命永嘉侯朱亮祖為右副

將軍率兵助伐蜀○夏四月傅友德等克蜀階州蜀

人斷白龍江橋友德督兵修橋以渡至五里關蜀將

丁世珍集兵固守都督汪興祖躍馬直前中飛石死

友德攻破之遂拔文州○楊璟等進攻夔州蜀平章

莫仁壽守瞿唐以鐵索橫斷關口丞相戴壽平章鄒

興副樞飛天張等益兵固守北倚羊角山南倚南城

寨鑿兩岸石壁引纜為飛橋者三平以木板置砲石

水竿鍊鏡等物以拒王師璟等戰不利退還歸州湯

和廖永忠等亦以江水暴漲不能進駐師大溪口○

傅友德進白水江遂克綿州至漢江阻水乃造戰艦

百餘艘艦成將進兵漢州欲以軍中消息達湯和而

山川懸隔乃以木牌數千書克階文綿州月日投江

中順流而下蜀守者見之為之解體友德進偏漢州

蜀守將向大亨迎戰擊敗之戴壽聞友德下漢江乃

分瞿唐兵與太尉吳友仁還援漢州以保成都既至

友德親率師迎敵壽兵大敗遂拔漢州○時湯和等

師駐大溪口。欲俟水平方進。上聞之。詔諭和曰。傅將軍率精銳。冒險深入。正當水陸並進。使彼疲於奔命。平蜀之機。正在今日。若候水退。豈不誤事。詔至。永忠率師先次夔府。擊鄒興。敗之。擒其元帥龔興。

六月。永忠至瞿唐關。山峻水急。鐵索飛橋。橫據關口。舟不能進。乃密遣壯士數百人。舁小舟。踰山渡關。出其上流。人持糗糧。帶水筒。以禦饑渴。山多草木。軍士皆衣青蓑衣。魚貫出崖石間。度其已至。乃分軍爲兩道。一軍攻陸寨。一軍攻水寨。攻水寨將士。以鐵葉裹船頭。置火器而前。蜀人盡銳來戰。永忠已破其陸寨。

矣。旣而將士舁舟出江者。揚旗鼓噪而下。下流之師擁舟前進。發火炮火筒夾擊。大破之。殺其將鄒興。焚其三橋。斷橫江鐵索。擒同僉蔣達等八十餘人。斬首千餘級。溺死者無算。明日。湯和兵亦至。分道並進。直抵重慶。次銅鑪峽。明昇大懼。其右丞劉仁勸昇奔成都。昇母彭氏泣曰。事勢如此。縱往成都。不過延命旦夕。何益。不如早降。以免生靈於鋒鏑。昇遂遣使詣永忠。納款。永忠以湯和未至。辭不受。後數日。和至重慶。明昇面縛。銜璧與母彭氏及羣臣奉表。請軍門降。和受璧。永忠解縛。承制慰撫。下令將士不得侵掠。送明

昇赴京師。

吏部尚書詹同、禮部尚書陶凱、協律郎冷謙等作燕

享九奏樂章成。一曰本太初，二曰仰大明，三曰民初

生，四曰品物亨，五曰御六龍，六曰泰階平，七曰君德

成，八曰聖道成，九曰樂清寧。

秋七月，傅友德克成都，分兵會朱亮祖，未下州縣。

重慶知州尹善清拒戰，擊斬之，進克保寧，執吳友仁

蜀地悉平。

先是友德圍成都，戴壽向大亨拒戰，以象

之象中矢却走，蜀兵自瀾死者甚衆，友德亦中流矢。

會湯和遣人報重慶之捷，及撫諭戴壽向大亨家，令

其子弟持書往成，許招諭，壽等遂無鬪志，舉城降。是

役也，得蜀金寶玉，而銀印五十八，銅印六百四十一。

府七。元帥府八，宣慰宣撫司

二、二十五。州三十七，縣六十七。

置遼東都衛指揮使司，以馬雲葉旺為都指揮使，先

是遼陽劉益來降，授官鎮守其地。故元平章洪保馬

彥翬殺益，其右丞張良佐、左丞房嵩殺彥翬，洪保走

故元將納哈出營遼東之衆，推良佐等權衛事。良佐

遣使械送殺益逆黨平章入丹，知院僧兒等至京，乞

留斷事吳立鎮撫軍民，上以立與良佐俱為遼東

指揮，既而納哈出據金山，擾邊。於是乃置都衛總諸

鎮軍馬雲等由登萊渡海，頓兵金州，招降故元參政

葉廷秀，攻走平章高家奴，進至遼東完城，繕兵一方。

明太祖紀

雪霜之後必有陽春

遂安○八月復開科鄉試○上手書問劉基以天象事曰(元)以寬失天下朕救之以猛今天鼓鳴人載日中黑子叠見卿宜條悉以聞基上言以為雪霜之後必有陽春今國威已立宜少濟之以寬上以其書付史館按太祖即吳王位至洪武辛亥所謂天鼓鳴人載也南番暹羅國王參烈昭昆牙渤泥國王馬謨沙三佛齊國王哈刺札八刺十各遣使臣奉金葉表文來朝貢

北平守禦華雲龍統兵至雲州擒故(元)平章僧家奴於牙頭盡得其士眾駝馬復至上都大石岸擊敗驢

見國公於高州武平遣指揮孫恭等招諭故(元)惠王伯都不花儲王伯顏不花宗王子蠻伯帖木兒等并部下將士悉降獲金寶二金印一金字團牌九銀字團牌二皆送京師上賜伯都不花等第宅幃幔什物衣服有差

明昇并其官屬至京朝見封昇為歸義侯賜第京師論平(蜀)功賞傅友德廖永忠各白金二百五十兩綵

緞二十表揚璟趙庸朱亮祖不賞

按洪武五年命海舟載歸德侯陳瑄

歸義侯明昇

○汪興祖以有過從征自効死於王事

詔授原封東勝侯爵賜鐵券子孫世襲

冬十一月命自今官吏犯贓罪者無貸

王子五年春正月遣翰林待制王禕行參正吳雲持

詔招諭雲南故元梁王把匝刺瓦爾密○發兵戍遼

東命靖海侯吳禎總舟師由登萊轉運以餉之○復

召用薛顯給賜永城侯鐵券子孫世襲○議征沙漠

謂諸將曰今天下一家尚有三事未了一歷代傳國

璽在元未獲二統兵王保保未擒三元太子不聞音

問今遣爾等分道征之於是令大將軍徐達總中路

兵湯和等為副出大同趨和林宋國公馮勝為征西

將軍總西路兵傅友德陳德為副出臨洮趨甘肅曹

三事未

國公李文忠為前將軍總東路兵顧時韓政曹良臣
為副出北平趨上都三路共兵四十萬

三月達抵山西境都督藍玉為前鋒敗保保游騎於

野馬川復敗保保於土刺河保保與賀宗哲合達與

戰不利死者萬餘人湯和亦敗於斷頭山○馮勝等

擊元岐王兵於別力篤山敗之斬首數千級西取甘

州趨西涼敗元將失刺罕至永昌敗元將朶兒只巴

於虎刺罕口獲牛羊馬駝十餘萬進拔肅州元平章

不花戰死大尉鎖納兒等降獲馬萬匹至瓜沙洲敗

其守將獲羊馬二萬取亦集乃路敗俞寶丘勝等分

布戍守而還。○李文忠率都督何文輝等兵擣應昌，
進可溫河，至合刺莽來。元人遁去。文忠曰：兵貴神速，
千里襲人，難多重負。乃留韓政駐輜重於驢駒河，令
士卒各持二十日糧，兼程並進。至土刺河。元太師哈
刺章蠻子列騎以待。文忠督兵與戰，馬中流矢，乃下
馬，持短兵接戰。部將李榮以所乘馬授之。文忠得馬，
氣益勵，據鞍橫槊，麾衆更進。元兵却走，追至騁海。來
兵益衆。文忠據險爲營，多張疑兵。縱所獲馬畜於野。
元兵疑有伏，遂遁去。軍還，失故道。乏水，渴死者衆。至
桑哥兒麻，出野尋水脉，忽所乘馬以足跑地，泉隨湧

出。三軍賴之，乃爲文殺牲以祭。顧時與文忠分道入
沙漠，迷失道。糧且盡，士卒疲乏。元兵不能戰，時奮
勵，獨引麾下數百人，躍馬大呼，擊敗之。掠其輜重，牛
馬而還。士卒復振。曹良臣至阿魯渾河，孤軍戰沒。事
聞，上痛悼之，追封安國公，塑像於功臣廟。○辰州一
十八洞，及九溪、九渡、水米坪、散毛、獠溪等洞蠻，連結
作亂，侵掠旁郡。上命衛國公鄧愈爲征南將軍，楊璟
爲副，討平之。凡克四十八洞。復命江陰侯 吳良率指
揮胡海等攻銅鼓、五開、曹滴、騰浪、篤莫、洪州、古州等
蠻，誅其首惡，撫其餘黨。凡平峒寨一百餘所，皆編戶

附籍輸稅糧奉法令地方遂寧

蘇音宜

十二月命有司考課必有學校農桑之績。○命仍祀孟子初國子監請釋奠命罷孟子祀至是上曰孟子闢邪說辯異端發明先聖之道其復之

癸丑六年春正月置六科給事中掌參駁糾劾之事

○徵孔克表為翰林修撰

克表温州平陽人孔子五十五代孫也博學篤行故

元至正戊子進士

詔天下鄉貢舉人罷會試開文華堂於禁中選河南舉人張唯等四名山東舉人王璉等五名并選各省共十七名召見便殿命題賦詩稱旨皆授翰林院編

道在正心

修命入堂中讀書詔宋濂在彥良分教之光祿日給

饌每食皇太子親王迭為主冬夏賜衣時賜白金鞍

馬初彥良

浙江慈谿人

被薦召為皇太子正字入侍大本

堂上嘗從容諮以治道對曰道在正心心不正則好

惡偏好惡偏則賞罰差賞罰差則太平未有期也陛

下懲元氏以寬縱失天下立法甚嚴臣民有犯必誅

即周禮刑亂國用重典之意上曰法數行而數犯奈

何對曰用德則逸用法則勞他日問曰卿何官曰正

字上曰卿帝者師也又一日謂彥良曰江浙大儒惟

卿一人對曰臣不敢當宋濂劉基上曰濂文人耳基

用德則逸用法則勞

峻隘不如卿也

二月改羣牧監為太僕寺。○命宋濂等類編歷代藩王事蹟名曰昭鑒錄以示諸王。○詔暫罷科舉。今有司察舉賢良論中書省臣曰朕設科舉求天下賢才以資任用今所司多取文辭及試用之不能措諸行事者甚衆朕以實心求賢而天下以虛文應之甚非所以稱朕意也其暫罷天下科舉有司察舉賢才必以德行為本文藝次之。○奪誠意伯劉基祿先是基祖曰溫處之間有地名談洋僻絕高險民多負販私鹽萃逋逃之衆宜設巡司蒞之基又言郡縣豪猾吏當治使其子璉奏上二事皆不先關白中書時胡惟庸行丞相事恨之適有旨逮豪猾吏惟庸使刑部查

資才以德行爲本

覈外史誣基善相地以談洋負山而海有王氣欲期爲祖墓民弗與則畫建司之策以逐其家遂爲成案奏上請加重辟太祖不聽惟奪基祿而已基入朝謝恩畱京師

命天下州郡繪山川險易圖以進

秋七月以左丞相胡惟庸爲右丞相。○真臘國王忽兒那遣使朝貢。○命宋濂編集歷代姦臣事蹟名曰辨姦錄分賜太子諸王。

八月詔西番土番各族舉故有官職者至京受職賜印俾因俗爲治以故元攝帝師喃加巴藏卜爲熾盛

佛寶國師分設烏思藏甘朶二都指揮使司指揮宣慰招討等司及萬戶府千戶所凡三十二處以官其

首長自是番僧有封為灌頂國師。贊善王。闡化王。正覺大乘法王。如來大寶法王。俱賜金章。詔命領其民。

人間歲朝貢。○建歷代帝王廟於京師。其制正殿五

中一室。居三皇。東一室。居五帝。西一室。居夏禹商湯。周文王。又東一室。居周武王。漢武帝。唐太宗。又西一室。居漢高祖。唐高祖。宋太祖。元世祖。

九月禁四六文辭。務從簡古。明初凡在外司府衛等衙門所進表箋。以聲音

字樣犯嫌疑者甚多。後來遂令翰林院撰為定式。如聖節冬至正旦賀表之類。臨時惟抄謄以進而已。其謝除官。謝頒賜表文。一切革去。

冬十月命刑部尚書劉惟謙及儒臣宋濂等更定大

明律

十一月潞州遣官進人參。上曰。今後不必進。因謂省

臣曰。往年金華進香米。朕命止之。遂於園中種田數

十畝。每耘耔割獲之時。親往觀之。足以自適。而其所

入亦足供用。朕飲酒不多。太原進葡萄酒。自今亦令

其勿進。國家以養民是務。豈以口腹累人哉。嘗聞宋

太祖家法。子孫不得遠方取珍物。甚得詒謀之道也。

十二月令天下郡縣止存大寺觀各一所。僧道併居

焉。女子非四十以上者不得為尼。○故元雲南梁王

殺前使臣王禕。吳雲禕等。畱雲南。諭令奉版圖來歸。

梁王初不從。後有降意。會元太子立於沙漠。使脫脫

國家以養民是務

徵糧於雲南脫脫規知梁王有二心因以危言偏梁

王殺使臣以絕其念王諱字子充浙江義烏人太祖聞其名名署中書省接商畧機務每稱子充而不名命採

故實為四言詩以授太子出知南昌府諱披榛莽撫

禮忤旨謫漳州通判召修元史擢翰林待制兼國史

院編修奉使吐蕃至是招諭雲南被害瘞地藏寺北

年五十二子紳字仲縉痛父遺骸未返往滇慟哭行

求不能得奠於死所仰天一號幾絕滇人感愴稱王

孝子建文元年紳為國子博士修太祖實錄因上言

父死節狀贈諱翰林院學士奉議大夫諡文節明文

臣賜諡自諱始○吳雲字友雲常州宜興人洪武初

名授弘文館校書郎歷官湖廣參政坐事被逮太祖

知其才釋之謂之曰雲南未奉正朔卿能為朕作陸

賈乎對曰天命所在誰能違之臣奉威德告以大義

彼必附順若冥頑不從興師未晚會雲南遣錢知院

等一十人使沙漠為邊將所獲太祖釋二十人與雲

俱至沙塘口二十人謀曰吾等奉使不達被執而還

罪必死共說誘雲令胡服編髮詐為元使又備令改

制書共給梁王雲不從以死自誓竟被害梁王遣人

收雲骨葬給孤獨寺子縉以雲死事入國子監弘治

中贈雲刑部尚書諡忠節與王文節公並祀雲南

甲寅七年春正月定親王國中所居前殿曰承運中
圓殿後曰存心四城門南曰端禮北曰廣智東曰體
仁西曰遵義
二月命有司修治闕里先師孔子廟宇祭器法服田
產荒蕪者悉蠲其稅設孔顏孟三氏子孫教授以訓
其族人
夏四月上幸中都改中立府為鳳陽府徙府治於新
城○五月禮部尚書牛諫奏云古禮凡太祀齋之日

宰犢牛為膳，以助精神。上曰：致齋三日而供三犢，所費太侈，徒增傷物之心，何益事神之道？諒曰：載在周禮。上曰：周官之法，不行於後世者多矣。惟自奉乃欲

法古可乎。○賜詹同致仕。詹同徽州人為元柳州學正遇亂家黃州陳友諒以

為翰林學士承旨太祖下武昌授國子博士歷遷學士承旨兼吏部尚書○命曹國公李

文忠北伐，文忠至代，遣將各出。至三不刺擒元平章

陳安禮等，斬其將珍珠驢，至白登俘元國公孛羅帖

木兒。

秋七月，文忠督兵攻大寧、高州，火石崖，克之。斬元宗

王朶朶失里擒承旨百家奴師，至豐州，魯王敗走，追

斬之，獲其妃蒙哥，并斬其司徒答魯海、平章把都知

院忽都等。○八月，海上倭寇有警，命靖海侯吳禎率

沿海各衛兵出捕，至琉球大洋，獲倭寇人船，俘送京

師。○召北平守禦淮安侯華雲龍回京卒。時有言雲龍過者上

以都督何文輝代之。

九月，成穆孫貴妃薨，詔定禮儀。諸臣言父在為母服

期年，若庶母則無服，上親定制。子為父母，庶子為其

母，皆斬衰三年，嫡子眾子為庶母，皆齊衰杖期，五服

亦稍有升降。編輯成書，使內外遵守，名曰孝慈錄。

冬十月，命徙江南民十四萬戶，以實鳳陽。官給牛種

開墾荒田。

遣崇禮侯買的里八剌北還。諭之曰：爾本元君子孫，國亡就俘，曩即欲遣歸。以爾年幼，道里遼遠，恐不能達。今既長成，朕不忍令爾久客於此。故特遣歸。見爾父母，以全骨肉之恩。又諭宦者：咸禮表上花幣，本克日。此爾君之嗣也。不幸至此，長途跋涉，爾善視之。因遺書諭元主愛猷識里達臘，賜織文金綺衣各一襲。
〔璘按：明太祖不從楊憲獻俘之議，以為元主中國，朕之祖父亦與享其太平。至是遣其孫崇禮侯歸，何其仁之至。義之盡也。迨後以三事未了，連兵沙漠，則或蔽於私欲矣。若夫殺戮臣民，曾不少恤，意者憲與惟庸等實多不法，而激之使然耶。

乙卯八年春三月，詔造大明寶鈔。時廣開錢局，民間

皆毀銅器輸官。上以宋有交會法，元造交鈔及中稅

至元寶鈔，易於流轉，可以省鼓鑄之勞。詔造之。○命

有司立張巡許遠廟於歸德州。歲時致祭。○德慶侯

廖永忠卒。〔按：功臣本傳贊曰：永忠以豪傑茂爽之才，虎視鷹揚，計謀宏遠，觀其殲友諒於鄱陽，

繫士誠於吳會，服膺珍而擒有定，靖兩廣而縛明昇，降王破國於指顧之間，斬將舉旗於談笑之頃，誠開

國元勳也。論功當封公，太祖謂其使所善，儒生窺上意，止封侯，而終獲譴以沒焉。

夏四月，誠意伯劉基卒。時基以奪祿懼罪，留京師。疾篤，上遣使送歸。一月而卒。年

六十五。○〔按：基字伯溫，處州青田人，通天文陰符家言。元末舉進士，授高密丞，秘書監揭傒斯見而奇之。

曰：子魏玄成流也，而英特殆過之。應行省薛與幕僚識不合，投劾去。嘗遊武林之西湖，見異雲起，眾皆謂

月也。明太祖紀

慶雲將分韻賦詩基獨引滿不顧曰此天子氣也應
在金陵十年後有王者起我當輔之時抗城猶全盛
諸人駭以為狂無知基者惟西蜀趙天澤奇之以為
諸葛孔明之流方國珍及行省舉基為都事基建議
曰方氏首亂宜捕而斬之省請於朝丞相受方氏賂
准招安乃劾基擅作威福羈管於紹興未幾復起用
基以時終不可為乃棄官歸田里著郁離子十卷太
祖定金華下括蒼以金帛來聘既見陳時務十八策
太祖大悅每呼先生而不名又時時謂人曰伯溫吾
子房也後恩禮亦漸薄人以為胡惟庸諂間云洪武
十三年胡惟庸謀上復思基言召基子璉授考工監
丞遷江西右叅政卒召璉子為復封誠意伯次子仲
璟奏公遺疏授開門使遷谷王府右長史靖難師起
谷王迎降仲璟不屈下獄為卒子法亦停襲正德間
賜誥曰劉基學為帝師才稱王佐孔明之任豈問人
言敬輿之謀不負所學占事考祥明有徵驗運籌畫
策動中機宜渡江策士無雙開國文臣第一受爵能
讓懷辭金階海之風成功不居從辟穀封留之請可
謂明哲允矣清貞特贈爾為太師謚文成嘉靖中刑
部郎中李論言臣一鄉人劉基宜侑享高廟世其封爵

子房之稱

廷臣議奏曰高帝收攬賢豪一時作命功臣並號宣
翼而幃幄奇謀中原大計每每屬基故在軍有子房
之稱剖封發孔明之喻基亡之後孫臏實嗣之太祖
嘗召諭再三鐵券丹書誓言世祿焉嗣爵未幾旋即
隕世褫圭裳於末裔委礪帶於空言或謂後亂孤貧
勿克負荷或謂長陵綿統遂致疎嫌雖一辱泥塗傳
聞多謬而載書盟府績效具存昔者武王興滅天下
歸心成季無後為善何勸劉基宜侑享太廟其九世
孫指揮使瑜宜嗣伯爵制曰可基入祀太廟庶中
瑜嗣誠意伯食祿七百石與世券瑜卒子世延嗣

秋八月故元統兵王保保卒保保自定西之敗走和

從徙金山之北至是卒于合刺那海之衙庭其妻毛
氏亦自縊死上一日宴謂羣臣曰天下誰為男子者
皆對曰無如常國公所將不過萬人而橫行無留陣
上乃拊髀歎曰是遇春耶我得而臣之我竟無以臣
王保保真男子也遂冊其妹為秦王
妃後秦王薨妃亦以死殉諡愍烈
冬十一月發罪人工役屯種於鳳陽令各處人民雜

王保保真男子

犯死罪者免死。工役終身。徒流者。照年限工役。官吏受贓及犯罪當罷職者。發鳳陽屯種。犯流罪者。發鳳陽工役一年。然後屯種。

十二月故元太尉納哈出入寇遼東都指揮馬雲葉旺守禦嚴密元兵知其有備。徑趨金州。時州城未完。指揮王富督勵士卒。分守諸門。納哈出裨將乃刺吾自恃驍勇。率數百騎。徑至城下挑戰。城上射中之。遂被擒。納哈出退走。不敢經蓋州。乃由祚河遁歸葉旺。先移兵祚河。自連雲島至窟駝塞十餘里。沿河疊冰爲牆。以水淋之。經宿皆凝結。隱然如城。藏釘板於沙

中。設陷馬奔於平地。伏兵以待。命老弱捲旗登兩山。間諭以聞。砲卽豎旗四面。寂若無人。已而元兵至。俟其過城南。砲發。伏兵四起。兩山旌旗蔽空。鼓聲震天。矢石如雨。寇大驚駭。倉皇北奔。趨連雲島。遇水城。馬不能前。皆入奔中。衆遂大潰。馬雲亦於城中出兵追擊。至將軍山。畢栗河。斬殺及凍死者無算。追至猪兒峪。獲其士馬。納哈出僅以身免。捷聞。上遣使齎勅獎勞。遼東諸將。加授馬雲葉旺並爲都督僉事。○陝州人獻天書。斬之。○召致仕禮部尚書陶凱爲國子監

祭酒。凱。寧海人。洪武初。召修元史。授太子書。歷官禮部尚書。議建奉先殿。議設起居注。記言記事。上

皆從之。出爲湖廣叅政致仕。復召爲國子監祭酒。自稱耐久道人。上聞之大怒曰。何自賤也。竟以罪廢。君子惜之。

丙辰九年春三月。詔免河南北平山西陝西浙江江西福建湖廣等省安慶揚州徽州池州等府本年稅糧。

六月欽天監奏五星紊度。日月相刑。下詔求言。山西平遙縣訓導葉居昇應詔上言三事。曰分封太多也。用刑太繁也。求治太速也。臣觀歷代開國之君。未有不以尚德緩刑而結民心。亦未有不以專事刑罰而失民心。國祚長短。悉由於此。今四方已平矣。民心思

殺人如滅螻蟻

治矣。而不務以寬大御之。視誅殺人如滅螻蟻。使民不獲安息。姑以當今刑法言之。笞杖徒流死。今之五刑也。用此五刑。既無假貸。一出乎大公至正可也。而用刑之際。多出聖衷。致使治獄之吏。務求深刻。以趨承上意。深刻者多獲功。平允者多獲罪。或至以贓罪多寡爲殿最。欲求治獄之平允。豈易得哉。古之爲士者。以登仕版爲榮。以罷職不敘爲辱。今之爲士者。以混跡無聞爲福。以受玷不錄爲幸。以屯田工役爲必獲之罪。以鞭笞捶楚爲尋常之辱。其始也。朝廷取天下之士。務無遺逸。有司催迫上道。如捕重囚。比至京

如捕重

師除官多以貌選。或所用非其所學。苟免誅戮。則罹屯田工役之科。率是爲常。畧不顧惜。非用刑之繁者乎。漢之世嘗徙大族於山陵矣。未聞實之以罪人也。今鳳陽皇陵所在。而率以罪人居之。怨嗟愁苦之聲充斥園邑。非所以恭承宗廟意也。賊人四大王突竄山谷。如狐如鼠。無窟可追。深山大壑。捕之數年。按洪年。元宗室四大王由崙嵐山中率衆寇武州太原。指揮程貴等敗之。四大王遁走。獲其三大王。脫忽的帖木兒送京師。其後四大王來歸。赦之。乃歸咎於新附戶籍之細民。而遷徙之。騷動四千里之地。雞犬不得寧息。况新附之民日前被兵。流於他所。朝廷許其復業。而來歸。今乃就

附籍者。取其數而盡遷之。是法不信於民也。凡此皆足以召災異者也。天下之治亂。氣化之轉移。人心之趨向。皆非一朝一夕之故。臣謂天下趨於治也。猶堅冰之將泮也。冰之堅。非太陽一日之光能消之也。陽氣發生。土脉微動。然後能使之融釋。聖人治天下。亦猶是也。夫圖治於亂世之餘。猶治亂絲緩之。則端緒可得。欲速則膠結而不可解。今病民之不安。姦邪之不止。朝夕異令。賞罰無章。君勞於上。臣困於下。烏覩所謂治乎。此二事者。人皆知其不可。然非禍亂之根也。臣所謂分封太侈者。秦晉燕齊梁楚諸國都城宮

室亞於天子。賜以甲兵衛士之盛。臣恐數世之後。尾大不掉。然後削地而奪之權。則起其怨。否則恃險爭衡。否則擁眾入朝。甚則緣間而起。防之無及也。今議者曰。諸王皆天子親子也。皆皇太子親弟也。何不取(漢)晉之事以觀之乎。(漢)景帝(漢)高帝之孫。七國之王。景帝同宗父兄弟子孫也。一削其地。則構兵西向。(晉)之諸王皆武帝親子孫。迭相擁兵以危王室。由此言之。分封踰制。禍患立生。援古證今。昭昭然矣。書奏逮問庾死獄中。居昇。字伯臣。浙江海寧人。

秋八月改各行中書省為承宣布政使司。○將征雲

南命潁川侯傅友德巡行川蜀永寧雅播等處。修治城池關梁。於是金筑普定中坪乾溪等塞酋長相率來降。○閏九月罷弘文館。

冬十月詔改建太廟。從同堂異室之制。國初立四親廟。德祖居中。廟。懿祖居東第一廟。熙祖居西第一廟。仁祖居東第二廟。至是始定此制。前為正殿。後為寢殿。九間。以一間為一室。奉安各廟神主。時享歲祿。則設累代帝后衣冠於神座而祀之。○十二月吐蕃所部川藏邀阻。烏思藏使者掠其輜重。命衛國公鄧愈為征西將軍。都督沐英為副將軍。總兵往討之。○置

寧夏諸衛

丁巳十年春二月學士承旨宋濂致仕歸。夏四月鄧愈沐英等破蕃部川藏覆其巢穴。追至崑崙山斬首無算。俘男女一萬口。獲馬五千。牛羊十三萬。命監察御史李鐸往誠意伯劉基家。取其觀象玩占天文諸書。先是基子璉遵父命收諸書。緘藏石室中。伺服闋上進。及鐸至璉悉取出送官。從鐸奉闕言其父遺命。上喜。欲官之。璉以未終制辭。甫釋服。卽除考工監丞。尋兼監察御史。陞江西叅政。始定天地合祀之典。先是郊祀一如周禮。冬至祀天於圜丘。夏至祀地於方澤。上謂天地猶人父母。爲子之道。致父母異處。安得爲孝。乃倣古明堂遺制。卽圜

丘之舊壇爲崇宇。名曰大祀殿。合六宗之神。各築壇以從饗。每歲正月。擇日行禮。○五月命韓國公李善長曹國公李文忠總中書省都督府御史臺。同議軍國重事。○誅戶部主事趙乾。上勅中書省臣曰。向荆蕪等處水災。朕寢食不安。亟命趙乾往賑。自去年十一月。至今年五六月。方施賑濟。民饑死多矣。夫民饑而上不恤。其咎在上。吏奉命不能宣上意。視民死而不救。罪不勝誅。其斬之。以戒不恤吾民者。○詔監察御史巡按州縣。○免河南山西廣東湖廣本年秋糧。秋八月南番澹巴國入貢。○九月免浙江省本年秋

糧。置通政使司。掌出納諸司文書。敷奏封駁之事。以會秉正為通政使。

冬十月。衛國公鄧愈卒。愈自河州班師。卒於壽春。訃

聞上哀慟。輟朝三日。喪至三山門。車駕臨奠。親擇葬

地。以故塋隘。改卜於城南西山之原。追封寧河王。謚

武順。配享太廟。仍肖像於功臣廟。愈。泗州虹縣人。父

年據臨濠。與元兵戰死。長子友隆代之。復病死。愈代

之。年十六。每出戰。則先登陷陣。所向無不摧破。衆曰

使仲君早將。何至以首予敵。太祖在滁陽。愈自盱眙

率所部來附。被元兵。殲陳友諒。殪張十誠。降胡廷瑞

戰功居多。至是卒。年四十一。愈為人沉毅。詳敏。其事

太祖最恭慎。臨大敵而不懼。有大功而不矜。禮賢下

士。寬惠愛人。所歷。庸德宣。城徽。嚴饒。撫南昌。襄陽。入

郡之民。皆懷其德。長子鎮襲封。從大將軍征討。卒。無

子。弟銘為錦衣衛僉事。永樂間。停襲。嘉靖中。繼絕。世

封其後。繼坤為定遠侯。勲號階祿。視懷遠侯。常玄。族

等。卒。子 ○封沐英為西平侯。子孫

都督濮真征高麗。被執。高麗王愛其驍勇。欲降之。不

從。王怒。欲殺之。真曰。大丈夫有赤心。肯汝屈邪。卽抽

刀。剖心。示之而死。王初意欲迫脇真。不虞真之死也。

真既死。王大懼。遣使入朝謝罪。併歸真從行軍士。上

曰。濮真當危難。秉義不屈。忠節可嘉。追封樂浪公。謚忠襄。時真子瑜生甫數月。卽襁褓中。封為西梁侯。以報其功。真鳳陽人。初學文。以忠 ○四川松潘等處蠻寇為亂。命御史大夫丁玉率師討平之。置州衛戍守。

抽刀剖心而死

其地○十一月皇孫允炆生

戊午十一年春正月進封湯和為信國公○三月禁

奏事闕白中書省○上諭吏部曰朝廷懸爵祿以待

士資格者為常流設非為賢才設今後庶官之有才

能而居下位者當不次用之於是以西安府知府李

文煥寶鈔提舉費震俱為戶部侍郎○夏四月以朱

夢炎為禮部尚書○元嗣君愛猷識理達臘殂子脫

古思帖木兒立上遣使往祭之

秋八月南番彭亨國百花國各遣使奉金葉表文來

朝貢○西番洮州等處戎寇為亂命西平侯沐英率

都督藍玉王弼金朝典吳復張龍葉昇謝成張溫周

武曹興等統兵征之首取甘朶降其萬戶乞失迦彝

其部落俘獲無算洮州十八族番彝三副使汪舒朶

酋只阿烏阿十商等據納鄰七站英進兵擊之

冬十一月總兵官辰州衛指揮楊仲名討平五開叛

蠻捷聞○臨江侯陳德卒追封杞國公○以梅殷為

駙馬都尉尚太祖第二女寧國公主殷梅思祖○十

二月封皇子栢為湘王胡順妃生王明敏好學能文善道家言多勇力善武藝

桂為豫王後改封代王棖為漢王後改封肅王植為

衛王韓妃所生後改封遼王國於廣寧王得巡邊塞簡練士馬

明太祖紀

